

**Bosna i Hercegovina
Federacija Bosne i Hercegovine
Kanton Sarajevo
Općina Ilidža
Javna ustanova
Osma osnovna škola**



**Bosnia and Herzegovina
Federation of Bosnia and Herzegovina
Canton Sarajevo
Municipality of Ilidža
Public Institution
The Eighth primary school**

P R A V I L N I K

○

ODGOJNO-DISCIPLINSKIM MJERAMA PREMA UČENICIMA

Butmir, 10. 02. 2010.godine

Na osnovu člana 129. Pravila škole, člana 64. Zakona o osnovnom odgoju (Sl. novine KS broj:10/04, 21/06, 26/ 08), a na prijedlog Nastavničkog vijeća, Školski odbor Javne ustanove Osmo osnovna škola Ilidža, na svojoj sjednici održanoj dana, **09. 02. 2010. godine** je
d o n i o

P R A V I L N I K

O

ODGOJNO-DISCIPLINSKIM MJERAMA PREMA UČENICIMA

Član 1.

Ovim Pravilnikom se regulišu prava i obaveze učenika u pogledu ponašanja u radu u školi i van škole, te odgojno-disciplinske mjere i postupci koji se preduzimaju prema prekršiteljima.

Član 2.

U okviru obrazovnog procesa škole, učenici su dužni i obavezni da se ponašaju u skladu sa osnovnim principima i normama ponašanja utvrđenim zakonom i općim aktima škole.

Član 3.

Učenici koji svojom krivicom ne ispunjavaju dužnosti i odgojno-obrazovne obaveze ili se ne pridržavaju pravila utvrđenih odlukama i općim aktima škole čine povredu školske discipline.

Član 4.

Za povredu školske discipline učeniku se može izeći jedna od slijedećih odgojno-disciplinskih mjera:

- ukor razrednika/ razrednice
- ukor odjeljenskog vijeća
- ukor direktora/direktorice
- ukor Nastavničkog vijeća
- premještaj u drugo odjeljene iste škole
- premještaj u drugu najbližu osnovnu školu na području općine, odnosno Kantona

Mjere premještaja u drugu najbližu osnovnu školu na području općine, odnosno Kantona se može izreći samo za učenika /učenicu od petog do devetog razreda.

Najbliža osnovna škola iz predhodnog stava, obavezna je primiti učenika /učenicu kome/kojoj je, nakon konačnog rješenja, izrečena odgojno-disciplinska mjera premještaj u drugu najbližu osnovnu školu.

Škola koja izriče odgojno-disciplinsku mjeru premještaj u drugu najbližu osnovnu školu dužna je o tome obavijestiti Centar za socijalni rad Kantona Sarajevo.

Odgojno-disciplinske mjere ukor nastavničkog vijeća i premještaj u drugo odjeljenje iste škole, kao i odgojno-disciplinska mjera ukor nastavničkog vijeća i premještaj u drugu najbližu osnovnu školu na području općine, odnosno Kantona, izriče Nastavničko vijeće o čemu se donosi rješenje.

Odgojno –disciplinska mjera premještaja u drugu školu može se učeniku/učenici izreći samo jednom u toku školske godine

Odgojno- disciplinske mjere se po pravilu donose postupno i povlače snižavanje ocjene iz vladanja.”

Clan 5.

Ukor razrednika/razrednice se može izreći za lakše povrede školske discipline.

Pod lakšim povredama u smislu predhodnog stava smatraju se:

10 neopravdanih izostanaka sa pojedinih časova,

samovoljno napuštanje časova u 10 navrata,

10 neopravdanih zakašnjenja na časove,

nekolegijalan ili uvredljiv odnos prema drugovima ili drugaricama,

nezalaganje u učenju i neostvarivanje pozitivnih rezultata iz neopravdanih razloga iz najmanje dva predmeta.

Član 6.

Ukor Odjeljenskog vijeća može se izreći za slijedeće teže povrede školske discipline:

- neopravdan nedolazak u školu 3 dana,
- neopravdani izostanci sa časova više od 15 puta,
- samovoljno napuštanje časova više od 15 puta,
- dolazak u školu sa zakašnjenjem više od 15 puta,
- uvredljivi odnos prema nastavnicima i drugim zaposlenicima škole,
- učestalo ometanje rada na časovima i pored usmene opomene,
- nesaradivanje i pasivan odnos u radu sa nastavnicima,
- nezalaganje u učenju i neostvarivanje pozitivnih rezultata iz neopravdanih razloga iz najmanje tri predmeta.
- nečuvanje školskog inventara

Član 7.

Ukor direktora/direktorice se može izreći za slijedeće teže povrede školske discipline:

- neopravdan nedolazak u školu 5 dana,
- učestali neopravdani izostanci sa pojedinih časova više od 20 puta,
- učestalo samovoljno napuštanje časova više od 20 puta,
- učestali nedolasci u školu sa zakašnjenjem više od 20 puta,
- učestali uvredljiv odnos prema nastavnicima/nastavnicama ili drugim zaposlenicima u školi,
- dolazak u školu u pijanom ili pripitom stanju ili konzumiranje alkohola ili narkotičkih sredstava u školskim prostorijama,
- prisvajanje pojedinih predmeta školske imovine male vrijednosti,
- nečuvanje i neprimjeren odnos prema školskoj imovini,
- izazivanje tuče ili učestvovanje u tuči u školi ili na drugom javnom mjestu.

Član 8.

Ukor Nastavničkog vijeća može se izreći za slijedeće povrede školske discipline:

- neopravdan nedolazak u školu više od 6 dana,
- učestali neopravdani izostanci sa časova više od 25 puta,
- učestalo samovoljno napuštanje časova više od 25 puta,
- učestali nedolasci u školu sa zakašnjenjem više od 25 puta,
- učestali uvredljivi odnosi prema nastavnicima/nastavnicama ili drugim zaposlenicima u školi,
- nečuvanje školske imovine i prouzrokovanje štete na pojedinim dijelovima imovine male vrijednosti,
- prisvajanje školskih predmeta,
- stalno ometanje rada u toku nastave i pored izrečene disciplinske mjere "ukora direktora/direktorice",
- nezalaganje u učenju i neostvarivanje pozitivnih rezultata iz neopravdanih razloga iz tri i više predmeta,
 - uvredljiv ili nepristojan odnos prema direktoru/direktorici škole.

Član 9.

Premještaj u drugo odjeljenje iste škole može se izreći za slijedeće povrede školske discipline:

- neopravdan nedolazak u školu više od 6 dana,
- učestali neopravdani izostanci sa časova više od 25 puta,
- učestalo samovoljno napuštanje časova više od 25 puta,
- učestali nedolasci u školu sa zakašnjenjem više od 25 puta,
- učestali uvredljivi odnosi prema nastavnicima/nastavnicama ili drugim zaposlenicima u školi,
- nečuvanje školske imovine i prouzrokovanje štete na pojedinim dijelovima imovine male vrijednosti,
- prisvajanje školskih predmeta,
- stalno ometanje rada u toku nastave i pored izrečene odgojno-disciplinske mjere “ukor nastavnčkog vijeća”,
- nezalaganje u učenju i neostvarivanje pozitivnih rezultata iz neopravdanih razloga iz tri i više predmeta,
 - uvredljiv ili nepristojan odnos prema direktoru/direktorici škole.
 - Nasilno ponašanje usmjereno prema djeci i mladima učinjeno od njihovih vršnjaka, izraženo kroz :

Član 10.

Premještaj u drugu najbližu osnovnu školu na području općine, odnosno Kantona, može se izreći za slijedeće povrede školske discipline:

- nečuvanje školske imovine i prouzrokovanje štete veće vrijednosti,
- prisvajanje školskih predmeta veće vrijednosti
- stalno ometanje u toku nastave i pored izrečene odgojno- disciplinske mjere “ premještaj u drugo odjeljenje iste škole”,
- uvredljiv odnos prema nastavnicima/nastavnicama i drugim zaposlenicima u školi i pored izrečene odgojno- disciplinske mjere “ukora direktora/direktorice”,
- nezalaganje u učenju i neostvarivanje pozitivnih rezultata iz neopravdanih razloga iz više predmeta u dužem vremenskom periodu.

Član 11.

U slučaju kad učenik ima opravdanih razloga da izostane sa nastave, izostanak opravdava: razrednik /razrednica do 3 dana,

direktor / direktorica škole do 7 dana,

Nastavničko vijeće..... do 15 dana.

Svaki drugi izostanak učenika sa nastave, roditelj, odnosno staratelj, dužni su da opravdaju usmeno ili pismeno u roku od tri dana kod razrednika /razrednice.

Član 12.

Odgojno-disciplinske mjere ukor nastavnčkog vijeća i premještaj u drugo odjeljenje iste škole, kao i odgojno-disciplinska mjera ukor nastavnčkog vijeća i premještaj u drugu najbližu osnovnu školu na području općine, odnosno Kantona, **izriče svojim rješenjem** nastavničko vijeće, uz predhodno pribavljeni izvještaj disciplinske komisije o provđenom disciplinskom postupku.

Član 13.

Disciplinska komisija se sastoji od predsjednika i dva člana, koje imenuje Školski odbor iz reda nastavnika za školsku godinu.

U Disciplinsku komisiju ne mogu biti birani članovi Školskog odbora i direktor/direktorica škole.

Incijativu za pokretanje disciplinskog postupka može dati svaki zaposlenik škole.

Disciplinska komisija donosi odluke većinom glasova.

O radu disciplinske komisije se vodi sveska zapisnika.

Član 14.

Učenik mora biti saslušan pred Disciplinskom komisijom, izuzev ako se bez opravdanih razloga ne odazove na uredno dostavljen poziv.

Disciplinski organi su dužni najmanje jedanput godišnje podnijeti izveštaj Školskom odboru o izrečenim odgojno-disciplinskim mjerama.

Član 15.

“ Protiv odgojno-disciplinske mjere ukor Nastavničkog vijeća i premještaj u drugo odjeljenje iste škole, kao i odgojno- disciplinska mjera premještaja u drugu najbližu osnovnu školu na području općine, odnosno Kantona, roditelj ili staratelj učenika može izjaviti žalbu Školskom odboru u roku od 7 dana od dana dostavljanaja rješenja o odgojno-disciplinskoj mjeri.”

Član 16.

O izrečenim odgojno-disciplinskim mjerama vodi se zapisnik i evidencija. Izrečena odgojno-disciplinska mjera odnosi se na tekuću školsku godinu.

Član 17.

Odgojno-disciplinska mjera važi za školsku godinu u kojoj je izrečena, a može se u toku školske godine ublažiti ili ukinuti ukoliko učenik/učenica svojim ponašanjem pokaže da je došlo do prestanka razloga za izricanje mjere.

Član 18.

Izrečene odgojno-disciplinske mjere povlače sniženje ocjena iz vladanja:

- Ukor razrednika/razrednice povlači sniženje ocjene iz vladanja na « **vrlo dobar** ».
- Ukor Odjeljskog vijeća povlači sniženje ocjene iz vladanja na « **dobar** ».
- Ukor direktora/direktorice škole povlači sniženje ocjene iz vladanja na « **zadovoljava** ».
- Ukor Nastavničkog vijeća povlači sniženje ocjene iz vladanja na « **loše** ».

Član 19.

O prigovoru na izrečenu odgojno-disciplinsku mjeru “ukor razrednika/razrednice” odlučuje Odjeljsko vijeće.

O prigovoru na izrečenu odgojno-disciplinsku mjeru “ukor Odjeljskog vijeća” i “ukor direktora/direktorice” odlučuje Nastavničko vijeće.

O prigovoru na izrečenu odgojno-disciplinsku mjeru ukor Nastavničkog vijeća i premještaj u drugo odjeljenje iste škole, kao i odgojno- disciplinska mjera premještaja u drugu najbližu osnovnu školu na području općine, odnosno Kantona, odlučuje Školski odbor.

Odluka školskog odbora je konačna.

Član 20.

Ako je povredom discipline nastala materijalna šteta, disciplinski organ donosi odluku o naknadi štete i daje inicijativu nadležnom organu u školi za pokretanje postupka za naknadu štete.

Član 21.

Učenik koji namjerno ili iz krajnje nepažnje prouzrokuje štetu školi dužan je istu nadoknaditi. Ako štetu prouzrokuje više učenika svaki učenik je odgovoran za dio štete koja je prouzrokovana.

Ukoliko se ne može utvrditi dio štete koju je prouzrokovao svaki učenik, smatra se da su svi učenici podjednako odgovorni i štetu nadoknađuju u jednakim dijelovima.

Ako je više učenika prouzrokovalo štetu krivičnim djelom sa umišljajem, za štetu odgovaraju solidarno.

Član 22.

Postojanje štete i okolnosti pod kojima je nastala, njenu visinu i odgovornost učenika koji je štetu prouzrokovao utvrđuje Komisija za procjenu štete učinjene od strane učenika. Komisija za procjenu štete sastoji se od predsjednika i dva člana. Dužnost komisije je da utvrdi stvarnu materijalnu štetu i da odredi iznos nadoknade. Ne može se odrediti veća šteta od stvarne koja je nastala zbog redovne upotrebe istih.

Član 23.

Na utvrđeni iznos nadoknade roditelj, odnosno staratelj ima pravo prigovora Školskom odboru u roku od 8 dana od dana prijema obavještenja o naknadi štete. Ukoliko roditelj, odnosno staratelj u određenom roku ne nadoknadi štetu, škola će putem nadležnog suda tražiti nadoknadu štete.

Član 24.

Izrečene odgojno-disciplinske mjere obavezno se evidentiraju u razrednoj knjizi i đачkoj knjižici. Za ispravnost evidencije odgovoran je razrednik/razrednica.

Član 25.

Izmjene i dopune ovog Pravilnika mogu se vršiti po postupku predviđenom za donošenje istog.

Član 26.

Stupanjem na snagu ovog Pravilnik prestaje da važi Pravinik broj: 38-426/01 od 21. 05. 2001. godine

Član 27.

Ovaj Pravilnik stupa na snagu danom donošenja.

PREDSJEDNIK/CA ŠKOLSKOG ODBORA

/ Dženana Čenanović /

Broj: 38- II- 85/10

Datum: 10. 02. 2010.godine